



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU GRADANSKE PARTIJE NAPRETKA

Broj: 03-07-6-555/11
Sarajevo, 03. januar 2012. godine

SADRŽAJ

MIŠLJENJE REVIZORA	3
1.UVOD.....	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Građanske partije napretka za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Građanska partija napretka prekršila je odredbe člana 11. stav (3) Zakona o finansiranju političkih stranaka jer godišnji finansijski izvještaj za 2010. godinu nije popunila na način propisan Pravilnikom o godišnjim finansijskim izvještajima političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, a dovodeći u pitanje vjerodostojnost finansijskog izvještaja koji nije ovjeren pečatom stranke, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Građanske partije napretka za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Građanska partija napretka nije ostvarila niti iskazala prihode, što se vidi iz sljedeće tabele:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	0,00	

U godišnjem finansijskom izvještaju politička stranka Građanska partija napretka je iskazala ukupne rashode u iznosu 167,50 KM.

2. PREDSTAVLJANJE POLITIČKE STRANKE

Naziv političke stranke: Građanska partija napretka. Skraćeni naziv stranke je GPN. Politička stranka je registrovana 18.02.2004. godine kod Osnovnog suda u Banjaluci i upisana u sudski registar pod brojem: RP-2/04.

Sjedište političke stranke je u Srbcu, ulica M.Vidovića bb.

Za zastupanje stranke u 2010. godini bili su ovlašteni: Savo Ugren, predsjednik stranke i Vićo Kovačević, sekretar. Osoba ovlaštena za podnošenje finansijskih izvještaja za 2010. godinu je Ljiljana Erceg.

Organizacionu strukturu stranke, prema podacima iz finansijskog izvještaja, čine:

- Glavni odbor,
- 5 mjesnih odbora¹

¹ Mjesni odbori: Nožičko, Razboj Lijevče, Kukulje, Bajinci i Kaoci. Mjesni odbori ne rade samostalno, već preko Glavnog odbora partije.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Građanske partije napretka za 2010. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Građanska partija napretka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Građanske partije napretka obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu izvršeni su pregledi godišnjeg finansijskog izvještaja Građanske partije napretka za 2008. i 2009. godinu, nakon kojih su izdati izvještaji o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 8. stav (1) Zakona o finansiranju političkih stranaka i da finansijske izvještaje treba popunjavati u skladu sa odredbama člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

Stranka je prekršila odredbe člana 11. stav (3) Zakona o finansiranju političkih stranaka.

Obrasce godišnjeg finansijskog izvještaja stranka nije ovjerila pečatom stranke, odnosno iste nije popunila u skladu sa članom 5. stav (3) Pravilnika o godišnjim finansijskim izvještajima političkih stranaka, pa je sama vjerodostojnost finansijskog izvještaja dovedena u pitanje. Na taj način stranka je postupila suprotno odredbama člana 11. stav (3) Zakona o finansiranju političkih stranaka.²

Na zahtjev Centralne izborne komisije BiH Građanskoj partiji napretka da ovjeri obrasce finansijskog izvještaja, stranka je dostavila akt broj: 01/2011 od 27.10.2011. godine, u kome navodi da obrasci godišnjeg finansijskog izvještaja nisu ovjereni pečatom stranke iz razloga što je isti ukraden. U istom aktu stranka navodi da je pokrenut postupak njenog gašenja.

² Do 31.03. naredne godine političke partije podnose finansijski izvještaj u formi koju odobri Centralna izborna komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

5.2. PREPORUKE

Preporučuje se Gradanskoj partiji napretka da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (3) Zakona o finansiranju političkih stranaka, odnosno da finansijski izvještaj podnosi Centralnoj izbornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Gradanska partija napretka nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2010. godinu, koji je dostavljen stranci 01.12.2011. godine

Mr. Hasida Gušić, šef Službe za reviziju

Nevenko Andan, revizor